



HERRI ADMINISTRAZIOEI DATUAK LAGATZEKO ZERBITZUAREN BIDEZ GIZARTE SEGURANTZAREN PENTZURAKO FITXATEGIETAN ETA DATU-BASEETAN JASOTZEN DEN INFORMAZIOA ESKATZEN DUTEN ERAKUNDEEK NAHITAEZ ONARTU BEHARREKO KONPROMISOA.

Emandako datuen kontrola eta segurtasuna Datu Pertsonalen Babesaren eta eskubide digitalen bermearen abenduaren 5eko 3/2018 Lege Organikoaren xedapenek arautuko dute.

1.- Xedea onartzea

Erakundeak, idazki honen bidez, ondokoa onartzen du, eta bere gain hartzen: datuen lagapena eskabidean adierazten diren xedeak soil-soilik betetzeko egingo dela, eta bestelako erabilera orok idazki honetan dakarrena ez betetzea eragingo duela eta horri dagozkion erantzukizunak sorraz ditzakeela.

2.- Kontrolerako ahalmenak

Gizarte Segurantzak, fitxategiak lagatzen dituen erakunde titularra denez, beretzat gordetzen du une orotan beharrezkotzat jotzen dituen auditoretzak egiteko ahalmena, ondoko gai hauek egiaztatze aldera:

* Erakundeari lagatzen zaizkion datuak datuon titularrak diren interesatuek erakundeari egiten dizkieten eskabideekin bat datozela

* Informazioa eskabidean adierazten diren xedeetarako soil-soilik erabiltzea

Organo lagatzaileak beren beregi onartzen du Gizarte Segurantzaren auditoretza-organo egokiak kontrol eta gainikuspen arloetan erabaki ditzakeen jarduketa guztien menpe jarriko dela, lagatzen den informazioa eta aplikatzekoak diren baldintza arauemaileak egokiro eskuratzen eta erabiltzen direla egiaztatze aldera; horretarako, auditoretza horiek egiteko prozedura bat izan beharko du eskura.

3.- Berrikuspenak

Gizarte Segurantzak beretzat gordetzen du agiri hau sinatzen denetik aurrera, une orotan, datu babestuak atzitzeko era berrikusteko ahalmena, bai eta arazo teknikoengatik, fitxategietan egiten diren hobekuntzak direla eta horien edukiak aldarazteagatik edo onartzen diren baldintzak aldatzea eragin dezakeen beste zio batzuegatik mugak ezartzekoa.

4.- Eskabideak eta jasotzen den informazioa tratatzea eta artxibatzea

Zerbitzu honen bidez Gizarte Segurantzara beronen fitxategietan jasorik dauden datuak eskatze aldera jotzen duen erakundeak ondoko konpromiso hau hartzen du: datu pertsonalen titularrak diren interesatuengandik jasotzen dituzten eskabide guztiak hartu eta hurrengo urtean zehar gordetzea eta atzitzeko moduan edukitzea, eta bai interesatuek beren nortasuna egiaztatzeko aurkezten duten agiriaren kopia ematekoa ere.

Eskabide horietan, sinesgarriro eraso beharko da interesatuak baimena ematen diola erakundeari Gizarte Segurantzari bere titulartasuneko datu pertsonalak, kasuan kasuko prozedurarako behar direnak, eskatzeko, salbu eta eskaera arestion aipatu den beren beregiko baimenik gabe egitea ahalbidetzen duen Erkidegoaren lege edo arauen bat dagoenean; era berean, Gizarte Segurantzaren auditoretza-egokiaren eskura jarri beharko da beti kontsulta egitea bideratzen duen espedientea edo erreferentzia.

Gizarte Segurantzak ematen dituen datuak ezin izango dira ezelako fitxategitan edota datu-basetan sartu, eta ezin izango dira eskabidearen xedeaz bestelako tratamenduetarako erabili; era berean, datuok ezin izango dira baimendurik ez dauden erakundeetara desbideratu. Interesatuak aurretiaz jakin behar du konpromiso honen berri.

Gizarte Segurantzak transmititzen edo ematen dituen fitxategi informatikoak ezabatu egin beharko dira kasuan kasuko eskabidearen xedeko administrazio-prozedura amaitzen denean.



5.- Erabiltzaileen kudeaketa:

Zerbitzu honen bidez Gizarte Segurantzara beronen fitxategietan jasorik dauden datuak eskatze aldera jotzen duen erakundeak ondoko konpromiso hau hartzen du:

- Bere erabiltzaileak kudeatzeko prozedurak eskura izatea, halako moduz non Gizarte Segurantzaren datuak lagatzeko zerbitzuak atzitzeko altak, bajak eta baimen-aldarazpenak kontrolatuko baititu
- Erabiltzaileen zerrenda eguneratua eskura izatea
- Lagapen zerbitzuak atzitzeko baimenei buruzko aldarazpen oro jakinaraztea
- Arestion aipatu zerbitzuak pertsona baimenduek soil-soilik atzitzea bermatzen duten atzipen-kontrolerako mekanismoak eskura izatea
- Zerbitzu horiek atzitzeko baimena duten langile guztiei beraiek beren gain hartzen dituzten erantzukizunen berri ematea, eta bai Gizarte Segurantzak egiten diren atzipen guztien aztarnak biltzen dituela eta langileok beren lana segurtasun-baldintza egokietan gauzatzeko neurriak aplikatu beharko dituela jakinaraztea ere

6.- Lagatzen den informazioa arauz kanpo erabiltzearen ondorioak

Une orotan, lagatzen den informazioaren zuzentasunaren, zaintzaren edo erabileraren gaineko zalantzarik sortuz gero, Gizarte Segurantzak egokitzat jotzen dituen argibideak edo informazio osagarriak emateko eskatu ahal izango du.

Datuak lagatzen dituen erakundeak ondokoa ezagutzen duela eta beren beregi onartzen duela adierazten du: Gizarte Segurantzak edozein unetan eta bere kabuz kendu ahal izango duela sistema honen bidez datuak eskatzeko baimena, baldin eta auditoretza bideratzeko laguntzarik ez dela eman edo agiri honetan onartu diren konpromisoetariko bat ez dela bete uste badu.

Baldin eta kontrol eta auditoretza arloetako jarduketan ondorioz edo salaketaren edo jakinarazpenen baten kariz sumatzen bada xedeko kudeaketaz bestelako datuak, aurrekariak, erregistroak edo txostenak gaizki erabiltzearekin loturik dagoen irregulartasunen bat gertatzen dela, berehala abiaraziko dira akats horiek guztiak osorik argitzeko eta, hala denean, epai-agintaritzari jakinaraziko zaizkion erantzukizunak eskatzeko diligentsiak, bidezkoak badira.

ERAKUNDEAREN ARDURADUNAREN SINADURA		ERAKUNDEAREN ZIGILUA
Izen-deiturak:		
Tokia	Data	
Sinadura		